



Áætlun og verklagsreglur um móttöku og meðhöndlun á úrgangi frá skipum

Áætlun þessi er sett af sveitarstjóra/hafnarstjóra Skagastrandarhafnar samkvæmt fyrirmælum í 6. gr. reglugerðar nr. 1200/2014 um móttöku á úrgangi frá skipum og reglugerðar nr. 1201/2014 um gjaldtöku í höfnum vegna losunar, móttöku, meðhöndlunar og förgunar úrgangs og farmleifa frá skipum. Vísað er til laga um nr. 33/2004 um varnir gegn mengun hafs og stranda, laga nr. 55/2003 um meðhöndlun úrgangs, reglugerð nr. 586/2017 um innleiðingu viðauka við alþjóðasamning um varnir gegn mengun frá skipum, 1973, með breytingum skv. bókun 1978 (MARPOL-samningur), reglugerð nr. 737/2003 um meðhöndlun úrgangs með síðari breytingum, reglugerð nr. 806/1999 um spilliefni með síðari breytingum og reglugerð nr. 809/1999 um olíuúrgang, með síðari breytingum.

Skagastrandarhöfn er flokkuð sem meðalstór fiskihöfn:

- Bryggjukantar samtals um 532 m
- Mesta dýpi við kant 6 - 7 m á 80 m kafla.
- Dráttarbraut 170 þungatonn
- Hafnarvog fyrir 50 tonn
- Rafmagnstengingar fyrir gáma og skip
- Olíuafgreiðsla fyrir skip og báta
- Upptökubraut fyrir smábáta

1. gr. Markmið.

Markmið með áætlun þessari er samkvæmt reglugerð nr. 1200/2014 að draga úr losun úrgangs og farmleifa í sjó frá skipum með því að tryggja aðstöðu í höfnum til að taka við úrgangi frá skipum.

2. gr. Gildissvið.

Áætlun þessi gildir um móttöku úrgangs frá öllum íslenskum skipum og um öll önnur skip sem koma til hafnar á Skagaströnd, að undanskildum erlendum herskipum, hjálparskipum í flota eða öðrum skipum í ríkiseign eða ríkisrekstri sem um stundarsakir eru nýtt í þágu hins opinbera til annars en viðskipta.

Ákvæði 6. gr. áætlunarinnar á ekki við um fiskiskip og um skemmtibáta sem mega einungis flytja 12 farþega eða færri.





3. gr. Móttökuaðstaða.

Móttökuaðstaða úrgangs í höfninni eru gámar fyrir almennt sorp og geymir fyrir úrgangsolíu. Með samningi við Terra umhverfisþjónustu eru tryggðar lausnir á öllum öðrum úrgangi sem eðlilegt og heimilt er að skip komi með að landi og losi.

Plan fyrir sorpgám er á höfninni og getur hafnarstarfsmaður fengið sorpgám frá Terra umhverfisþjónustu með litlum fyrirvara á planið þegar aukin þörf er á losun. Olíutankur (1000 l) fyrir úrgangsolíu er staðsettur við hráolíutanka olíufélaganna á Skúffugarði. Lokaður gámur/kar er staðsettur hjá úrgangsolíutanki fyrir olíusíur og annan olíusmitaðan úrgang.

Losun og ráðstöfun umræddra úrgangsefna fer samkvæmt þeim reglum sem gilda um eyðingu úrgangs. Aðstaða til móttöku úrgangs miðast við þarfir skipa er jafnan koma í höfnina og skal þannig frá henni gengið hverju sinni að skip verði ekki fyrir ótilhlýðilegum tögum.

4. gr. Áætlun og verklag.

Í ljósi vigtunar á magni úrgangs á höfninni undanfarin ár er árlega gert ráð fyrir að úrgangur og farmleifar sem berast á land úr skipum og bátum í Skagastrandarhöfn sé um 12-13 tonn/ár eða að meðaltali um 230-250 kg/viku. Sorpmagn berst þó mjög óreglulega að landi og hefur sýnt sig að vera meira á síðasta fjórðungi ársins en aðra mánuði. Óheimilt er að kasta sorpi, fiskislógi eða öðrum föstum úrgangi í Skagastrandarhöfn.

a) Uppruni úrgangs:

Áætlað er að úrgangur skiptist þannig að 90% hans komi frá fiskiskipum. En 10% með öðrum hætti þar með talið farmskipum.

b) Móttaka:

Notendur hafnarinnar losa sjálfir úrgang í gáma á hafnarsvæðinu undir eftirliti hafnarstarfsmanna.

Áhafnir og löndunarmenn fiskiskipa losa grófflokkaðan úrgang í gáma sem staðsettir eru á löndunarbryggju. Erlend skip losa heimilissorp í gáma á hafnarsvæðinu í samráði við hafnarvörð. Ef magnið er mikið sér hafnarvörður um að útvega sorpgám eða sorpbíl sem sendur er að skipshlið.

Hafnarstarfsmenn útbúa kvittanir fyrir móttöku sorps frá erlendum skipum að öðru leyti er ekki um sérstaka skráningu eða innmælingu á sorpi að ræða. Úrgangur sem tekið er á móti á Skagastrandarhöfn er ekki formeðhöndlaður. Umboðsmenn flutningaskipa panta uppðælingabíla ef þess er þörf.

Ekki hefur verið tekið á móti skólpi frá skipum í Skagastrandarhöfn. Ef óskað er eftir slíkri losun sérstaklega útvegar hafnarvörður dælubíl að skipshlið.





SKAGASTRANDARHÖFN

Heildarmagn úrgangs úr gám á Skagastrandarhöfn er skráð af þjónustuaðila skv. vigtuðu magni í sorphirðubifreið.

c) Ráðstöfun:

Almennu sorpi af Skagastrandarhöfn er ráðstafað til urðunar á urðunarstaðnum Stekkjarvík í Húnabyggð.

Árlegt magn sem vigtað er frá Skagastrandarhöfn er 10-12 tonn

Útgerðir fiskiskipa sjá um að losa spilliefni, olíur, járnstykki og stærri hluti á móttökustöð úrgangs við Vallarbraut. Útgerðir sjá um að afsetja veiðarfæri og að panta uppðælingabíla til losunar á úrgangsolíum.

Úrgangsolíu er ráðstafað til endurvinnslustöðva með milligöngu olíufélaganna. Árlegt magn sem berst í úrgangsolíutank hafnarinnar er um 2.000 lítar og magn af veiðarfærum sem berast höfninni til urðunar árlega er um 1000 kg.

Spilliefnum er ráðstafað til eyðingar samkvæmt samningi við Terra umhverfisþjónustu. Spilliefni sem berast höfninni til eyðingar árlega eru um 200 kg.

d) Eftirlit með úrgangsflokkum:

Hafnarvörður hefur eftirlit með að spilliefnum, olíum eða öðru sem flokka skal sérstaklega sé ekki hent í almenna sorpgáma heldur ráðstafað til sérstakrar meðhöndlunar eða eyðingar.

e) Gjaldtaka:

Gjaldtaka er sett samkvæmt heimild í reglugerð 1201/2014 og er hluti af gjaldskrá Skagastrandarhafnar sem er birt á vefsíðu sveitarfélagsins. www.skagastrond.is

Innheimt er fast gjald eftir stærð skipa. Gerðir eru reikningar sérstaklega ef hreinsa þarf bryggjur og sömuleiðis ef magn er það mikið að panta þarf bíl eða sorpgám.

f) Vanbúnaður:

Kvörtunum um vanbúnað og skýrslugjöf um það sem miður kann að fara skal skilað til hafnarstjóra ef þurfa þykir. Við slíkum kvörtunum verður brugðist eftir eðli máls hverju sinni ýmist með úrbótum á búnaði og aðstöðu eða með því að taka tillit til athugasemda við gerð reikninga til viðskiptavinar. Ef skipstjóri, eigandi eða umboðsmaður skips eða aðrir notendur hafnarinnar vilja koma á framfæri ábendingum um hvað betur má fara eða bera fram kvartanir vegna þjónustu hafnarinnar, s.s. vegna ófullnægjandi móttökuaðstöðu fyrir úrgang, skal viðkomandi snúa sér til hafnarstarfsmanna. Einnig getur viðkomandi sent inn skriflegt erindi eða





SKAGASTRANDARHÖFN

kvörtun til hafnarstjóra á netfangið hofn@skagastrond.is Brugðist verður við ábendingum og kvörtunum eins fljótt og kostur er.

Telji viðkomandi umkvörtunarefnið vera þess eðlis að vekja þurfi athygli umhverfisyfirvalda á því, þer honum að senda athugasemd til Umhverfisstofnunar. Ábendingum um ófullnægjandi móttökuáðstöðu í höfnum má koma á framfæri við Umhverfisstofnun með því að fylla út þar til gert eyðublað á heimasíðu stofnunarinnar:

[\(https://www.ust.is/atvinnulif/haf-og-vatn/mengun-fra-skipum/thjonusta-hafna/\)](https://www.ust.is/atvinnulif/haf-og-vatn/mengun-fra-skipum/thjonusta-hafna/)

Eyðublaðið er einnig að finna á enskri útgáfu á heimasíðunna:

<https://www.ust.is/default.aspx?pageid=504d0e73-421b-11e7-941e-005056bc2afe>

g) Samráð, samstarfsaðili:

Samráð er haft við notendur hafnarinnar varðandi umgengi við sorpgáma og meðhöndlun úrgangs. Samningur er við Terra umhverfisþjónustu um losun gáma á hafnarsvæðinu og fer losun fram með reglubundnum hætti en aukalosanir samkvæmt beiðni starfsmanna.

6. gr. Tilkynningar.

Skipstjóri skips, sem er á leið til hafnar þer ábyrgð á að eyðublað um úrgang og farmleifar í skipum, sbr. viðauka II í reglugerð 1200/2014, sé fyllt út með réttum upplýsingum og að koma því til starfsmanns hafnarinnar. Skagastrandarhöfn þer því ekki ábyrgð á að afla annarra gagna um farmleifar um borð í skipum en samkvæmt fyrir mælum reglugerðar.

Hafnarstjóri skal fyrir 1. mars ár hvert senda Umhverfisstofnun samantekt á þeim tilkynningum um úrgang og farmleifar sem þeim hafa borist árið á undan.

„Ef SafeSeaNet tilkynningar berast er farið yfir tilkynningarnar og athugað hvort tilkynningin er rétt útfyllt og hvort skila eigi úrgangi í land. Ef misræmi er í upplýsingum í tilkynningu eða hún rangt útfyllt, er haft samband við skipstjóra/umboðsmann skips og farið fram á að send verði ný leiðrétt tilkynning.

Ef fyrirhugað er að setja úrgang eða farmleifar í land er brugðist við með viðeigandi hætti. Þegar misræmi er milli þess sem kemur fram í tilkynningu og raunverulegu magni úrgangs sem sett er í land þá gerir hafnarstarfsmaður athugasemd við skipstjóra/umboðsmann skips og fer fram á leiðréttingu. Ef misræmi er ítrekað hjá sama skipi eða tilkynning rangt útfyllt þá tilkynnir hafnarstarfsmaður það til Umhverfisstofnunar eða Samgöngustofu (hafnarríkiseftirlits)“





SKAGASTRANDARHÖFN

7. gr. Ábyrgð.

Ábyrgðaraðili á rekstri hafnar er sveitarstjóri Sveitarfélagsins Skagastrandar sem er jafnframt hafnarstjóri og starfar í umboði sveitarstjórnar Skagastrandar og hafnarnefndar Skagastrandarhafnar. Hafnarvörður ber ábyrgð á að almennum verklagsreglum um meðhöndlun úrgangs og skráningu sé fylgt.

Eigandi hafnarinnar er Sveitarfélagið Skagaströnd.

8. gr. Endurskoðun áætlunar

Ekki eru fyrirhugaðar breytingar á vinnulagi sorpmála við Skagastrandarhöfn á næstunni nema til komi meiriháttar breytingar á rekstri eða starfssemi hennar. Næsta endurskoðun á áætluninni fer fram árið 2026.

Skagaströnd, 12. júní 2024



Ólafur Þór Ólafsson, starfandi sveitarstjóri/hafnarstjóri